

直隸南雄州志

直隸南雄州志卷十八

藝文二

經始興廣果寺

陳江總

息舟候香阜，悵別在寒林。
竹近交枝亂，山長絕逕深。
輕飛人定影，落照有疎陰。
不見投雲狀，空留折桂心。

遊始興道館

陳陰鏗

紫臺高不極，青溪千仞餘。
壇邊逢藥銚，洞裏闢仙書。
庭舞經乘鶴，池遊被籍魚。
稍昏薤葉斂，欲暝槿花疎。
徒教斧柯爛，會自不凌虛。

舊志誤作沈佺期詩字句多譌今釐正改編於此

過始興廣勝寺果上人房

唐房融

零落嗟殘命，蕭條託勝因。
方燒三界火，遽洗六情塵。
隔

913733
4040
10

46895

36 5 1 11

嶺天花發凌空月殿新誰令鄉國夢終此學分身

度大庾嶺

唐
宋之問

陽月南飛雁傳聞至此迴我行殊未已何日復歸來江
靜潮初落林昏瘴不開明朝望鄉處應見隴頭梅

感遇

一
十二首
之一

張九齡

蘭燕春葳蕤桂華秋皎潔欣欣似生意自爾爲佳節誰
知林棲者聞風坐相悅草木有本心何求美人折

張相國九齡

八哀
之一

杜
甫

相國生南紀金璞無畱礦仙鶴下人間獨立霜毛整矯
然江海思復與雲路永寂寞想土堦未遑等箕穎上君
白玉堂倚君金華省碣石歲崢嶸天地日蛙黽退食吟

大庭何心記榛梗骨盤畏曩哲鬢變負人境雖蒙換蟬
冠右地恩多幸敢忘二疏歸痛迫蘇耽井紫綬映暮年
荊州謝所領庾公興不淺黃霸鎮每靜賓客引調同諷
詠在務屏詩罷地有餘篇終語清醒一陽發陰管淑氣
含公鼎乃知君子心用力文章境散帙起翠螭倚薄巫
廬竝綺麗元暉擁牋誅任昉騁自成一家勦未闕隻字
警千秋滄海南名繫朱鳥影歸老守故林戀閭閻延頸
波濤良史筆蕪絕大庾嶺向時禮數隔制作難上請再
讀徐儒碑猶思理煙艇

獻始興公

王維

寧棲野樹林寧飲澗水流不用坐梁肉崎嶇見王侯鄙

山氣自左少元 卷十八
哉匹夫節布褐將白頭任智識則短守仁固其優側聞
大君子安問黨與讐所不賣公器動爲蒼生謀賤子跪
自陳可爲帳下不感激有公議曲私非所求

題墨江

韓愈

憶作兒童隨伯氏南來今只一身存眼前百口還相逐
舊事無人可共論

疇始興裴使君

柳宗元

金馬嘗齊入銅魚亦共頒疑山看積翠湏水想澄灣標
榜同驚俗清明兩照姦月光搖淺瀨風韻碎枯菅海俗
依猶卉山彝髻不鬟泥沙潛虺蜮榛莽鬪豺獍遠物裁
青巖時珍饌白鷗長捐楚客珮未賜大夫環

蚤發始興

舊一三句
訛今改正

南唐陳陶

雲裏山已曙舟中火初熱綠浦待行橈元猿催落月沿
流信多美况復秋風發掛席借前期晨雞莫啁嘶

過嶺寄子由

宋蘇軾

美人蕭艾竟誰堪儋耳長流我自甘一片丹心天月下
數行清淚嶺雲南鵲鴿搖處愁芳樹瘴癘生時避曉嵐
從此西歸更攜手梅花却憶舊封函

贈嶺上老人

鶴骨霜髯心已灰青松合抱手親栽問翁大庾嶺頭住
曾見南遷幾箇回

娛書堂詩話曰東坡還至庾嶺上少憩村店有一老

翁出問從者曰官爲誰曰蘇尙書曰是子瞻歟曰是也乃前揖坡曰我聞人害公者百端今日北歸是天祐善人也東坡笑而謝之因題此詩於壁

登望遠亭

郭祥正

城角危亭四面開塵侵丞相舊詩牌凌江欲轉鯨魚活荔子成陰玉樹埋

雲封寺

張士遜

百越迴轅度翠微全家還憇白雲扉白雲知我帝鄉去旋拂征鞍也要歸

度大庾嶺

李昉英

征輿六月度梅關大地清涼樹影斑行客不須梅止渴

流泉到耳冷潺潺

大庾嶺

陳與義

年律將窮天地溫
兩州風氣此橫分
已吟子美湘南句
更擬東坡嶺外文
隔水叢梅疑是雪
近人孤嶂欲生雲
不愁去路三千里
少住林間看夕曛

過大庾嶺

三首

戴復古

東海邊來南海邊
長亭三百路三千
飄零到此成何事
結得梅花一笑緣

鑿破青山兩壁開
石頭路上踏塵埃
梅花自與白雲笑
幾見夷齊出嶺來

南遷過嶺面無慙
前有東坡後澹菴
兒童欲知當日事

正統南雄州志 卷十八
四
青山解語水能談

謁張文獻公祠

王 偁

停舟瀕江濟弔古謁遺祠巖巖始與公遺澤芬在斯堂
傾風雨萃碑斷苔蘚滋芳春奠行旅落日歸文狸唐宮
昔無事衡鑑方獨持弼諒展嘉猷讜論非詭隨離離朝
陽鳳粲粲補袞絲側聞卧病後九廟煙塵飛漁陽突騎
來中華混羣彝信哉砥柱力用舍同安危昭陵鉞馬空
仙李祚九疑維餘蘭菊存千秋恒若茲我來薦微誠再
拜當前墀顧瞻廟貌間風度猶可希武谿何茫茫筆峯
亦巍巍只今相業隆孰與前修期臨風一長歎山雨來

霏霏

前題

丞相祠前日色明
我來端拜仰儀型
君臣萬古天無愧
嶺海千年地有靈
湏水波澄寒玉潤
韶山壁立翠鸞停
依稀猶似瞻風度
九鶴翩翩集在庭

花林寺

元劉淵

花落春已暮
門開白雪來
階前一片石
風雨畱莓苔

玲瓏巖

程文表
州人

何年仙斧鑿山開
滿室煙霞護古苔
圭竇有天通日月
瑤堦無地着塵埃
金華謾叱羣羊去
遼海終期獨鶴回
幾度登臨訪遺跡
恍然身在小蓬萊

書堂瀑布

徐滋

正嘉南少志 卷十八
懸崖四壁疊嵯峨花草空臺歲月多惆悵讀書人已遠
青天一派落銀河

文獻書堂

明甘守正

讀書臺上攬清奇萬丈飛泉起硯池可是玉龍翻浪暖
水晶簾動噴珠璣

牛山異竹

王新

植節名山負性靈風梢拂地不時停伶倫若取裁成管
詎讓言筴叶帝庭

文昌閣

蔣希禹

始興知縣

千尋傑閣倚精廬縹緲真疑帝子居日月雙懸臨象緯
風雲四面護圖書梅敷嶺翠屏開拓墨潑江流帶卷舍

幾向層霄探氣色奎光直接斗牛墟

鎮江樓

李自白

始興知縣

藹
脩禊後把酒上津頭山勢連天湧江光迸日浮此
官原似戲行樂且忘憂極目春將暮風塵隔帝洲

松下鳴琴

蔡愈濟

郡人

茆臺綠野逼松林舊隱歸來樂趣深竹馬不勞迎迨郡
絲桐還自覓知音高山流水仙人調明月清風太古心
一曲冷冷暢懷後詩朋酒伴又相尋

花林院

陳綱

邑人

前朝建立梵王宮清勝幽深一逕通棲老松巢看院鶴
吸乾硯水聽經龍不塵僧榻月常照無鎖禪關雲自封

澹墨數行畱壁上他年可有碧紗籠

珠璣巷

國朝羅天尺

南渡衣冠故里賒洞天贏得住烟霞而今恰似烏衣巷
野燕低飛入酒家

大庾嶺謁張文獻祠

吳震芳

有唐際全盛始興實挺生崛起嶺海間光嶽儲精英童
穉標峻格許與皆鴻卿燕公尤器重一顧延華聲弱冠
擢高第耻立寵嬖廷復辟始登仕進退必守經開元被
引薦拾遺職其膺千秋上金鑑萬古垂箴銘太子誤索
甲據典屹廷爭義折惠妃請陰寢奪嫡情前星無隕耀
功繫在宗祊守珪倖軍功仙客且負乘爵賞將濫乃

鱗氣崢嶸對仗草詔書詞潤義恢宏制誥遂手掌中書
因游登宴安釀酖毒地大孽芽萌祿山跋扈姿履霜識
堅冰守珪觔軍法大猾逃天刑哲相炳幾先庸主方昏
冥遂令范陽甲席捲東西京干戈滿郡國腥穢污闕庭
九廟寄灰燼六龍亦伶俜郭李極反正四海吹沸羹竟
貽藩鎮禍割據連方城浸假闖弄權天子爲門生覆轍
日相逐國祚由茲傾早得用公言反掌戮鯢鯨根柢失
翦伐滋蔓勢莫撓虞機各一發曲突空經營郎當蜀道
中涕泣感忠貞曲江雖遣祭前悔不可懲峻絕大庾嶺
開鑿通行至今橫浦關廟祀陳椒馨千載想遺烈仰
止深盱衡扼腕當日事感憤涕縱橫

此詩載嶺南
雜記見說鈴

送人度梅嶺

番禺

屈大均

翁山

天作長城五嶺間
雄州繚繞萬重山
越王舊治梅花國
秦帝初開大庾關
紅葉影中雙騎去
白猿聲裏一人還
乘時自有臺侯業
莫使鄉愁上玉顏

度梅關作

苦恨秦關一道通
人如去雁與來鴻
梅花但爲臺侯植
錦石難同陸賈封
五嶺繇來稱塞上
三城久已作回中
越王畱得多豪俊
戰敗屠睢最有功

八度人關逐雁飛
寒門北去暑門歸
黃金結客無衣食
白首爲家有翠微
天下侯王須漂母
先朝臣妾盡明妃

頻來空使梅花厭
未見龍沙一奮威

梅關上有
額曰人關

贈南雄某總戎

秦時南塞此雄州鎖鑰憑君控上游
霹靂泉邊開大帳梅花國裏坐臺侯
家存兩代山河誓地接三城鼓角秋
幕府只今才子在移家吾欲傍風流

楊厯巖觀瀑布水

朱彝尊 竹垞

先生楊厯巖題名云順治戊戌予歸自南海將踰嶺太守平湖陸兄世楷咸一畱子廨北西爽亭積雨翻盆三旬不止五月朔曉起覩日出廻聯騎入山循梯磴入祠憑欄眺聽

瞻途越修畛遵渚拂芸茗駕言陶嘉月采隱條氛囂舍
車循曲汜捫葛升陵喬柔荑挺英蘂灌木蔚豐條仰沾
潺湲沫俯聆載道飈逝者如斯夫游至非崇朝靜觀羣
化遷始悟萬象超一鼓邱中琴清響流山椒鳴鳥聲相

正統南州志 卷十八
求潛蚪德彌劬願言繫白駒於焉久逍遙

雄州歌四首

雄州滿目瘴雲霾風物當年亦可懷
大庾梅花連小庾正階流水入斜階

綠榕萬樹鷓鴣天水市山橋阿那邊
蜚雨蠻煙空日夜南來車馬北來船

滇江西下墨江流來鴈孤亭春復秋
十部梨園歌吹盡行人虛說小楊州

山頭風急雨淒淒篁竹荒茅一望迷
縱有歸人歸未得虛勞夜夜子規啼

謁張曲江祠